



(Inatsisartunut ilaasortaq Anders Olsen, Siumut)
inatsisartut@inatsisartut.gl

§ 37 naapertorlugu ATV-nik angalanissamat tunngatillugu 2025-158-imut akissut

Asasara Anders Olsen

Ulloq: 18-09-2025
Suliap normua: 2025 -
18677
ID. nr.: 77767594

Inatsisartut suleriaasianni § 37 naapertorlugu ATV-nik angalanissamat tunngatillugu apeqquiteqaateqarputit. Apeqqutitit uannit akisassanngorlugit innersuunneqarput. Apeqqutigineqartut tullinnguuttuni ataasiakkaarlugit uteqqinneqarput akiortorneqarlutillu.

Postboks 909
3900 Nuuk
Oqarasuaat.: Oqarasuaat
(+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Sooq Naalakkersuisut maannamat inatsisini allannguutaasinnaasut imaluunniit naleqqussaanerit, nunaqarfinni biilertartunut allagartaqanngitsumik ATV-mik angalanissamat periarfissiisinnasut, saqqummiussimannngilaat, naak suliaq 2017-mili uteqqiasumik qaqqinneqartaraluartoq, aamma Naalakkersuisut nikerartut iliuuseqassallutik neriorsuisarsimagaluartut?

Akissut: Qinersinerup kingorna, ATV-nik angalaneeq pillugu inatsisissatut siunnersuutitut suliarineqarsimasooq Naalakkersuisunngortunit allanngortinneqarnissaa kissaatigineqarmat nutaanik inatsisiliortoqarpoq. Tamanna Kalaallit Nunaanni angallannermut inatsimmik missingiummik suliap sivisuneruneranik kinguneqarpoq. Taamaattumik 2025-mi Inatsisartut upernaami ataatsimiinneranni missingiummut oqaaseqaatinik saqqummiinissaq periarfissaasimannngilaq. Kalaallit Nunaanni angallannermut inatsimmut tunngatillugu allannguutissatut siunnersuut 2026-mi upernaakkut ataatsimiinnissami saqqummiunneqarnissaa naatsorsuutigineqarpoq.

Apeqqut 2: Qanoq Naalakkersuisut nassuiarsinnaavaat, suli ataatsimiititaliani suliaqarnermut aammalu oqaloqatigiinnernut innersuussisoqartuaannartoq, nunaqarfinnilu ATV-t pinngitsoorani atortariaqarneri piugaluartoq aamma tigussaasumik aaqqiissuteqartoqarnissaa utaqqineqaraluartoq, tamarmik innuttaasunut ullut tamaasa kiffartuussinissamik qulakkeerinninnissamik pisariaqartitsisut?

Akissut: Apeqqut 1-imut akissut takuuk.

Apeqqut 3: Qaqugu Inatsisartut aamma innuttaasut naatsorsuutigissavaat, Naalakkersuisut kiisami siunnersuutitik tigussaasunik saqqummiussaqaarnissaat, taamaalilluni nunaqarfiit innuttaasunut kiffartuussinissamat periarfissaqartinneqarnerat pisariaqartoq qulakkeerneqarniassamat?

Akissut: Naalakkersuisut naatsorsuutigaat, Naalakkersuisut kissaataat malillugit Angallannermut Ministeeriaqarfik Kalaallit Nunaanni angallannermut inatsimmut tunngatillugu allannguutissatut siunnersuummik nassiussissasut, taamaalilluni 2026-mi

Inatsisartut upernaami ataatsimiinneranni missingiummut oqaaseqaatit
saqqummiunneqassammata.

Neriuppunga matuma qulaani apeqqutitit akineqarsimassasut.

Inussiarnersumik Inuulluaqqusillunga



Aqqaluaq B. Egede